



Til

Austrheim kommune v/ rådmann

Fedje kommune v/ rådmann

Modalen kommune v/rådmann

Knarvik, 22.10.2018

Førespurnad om vidare samarbeid innan kommunal landbruksforvaltning

Prosjekt Felles Landbrukskontor i Alver kommune er under oppstart. Det er utarbeid mandat og det er sett ned ei prosjektgruppe for arbeidet der underteikna er prosjektleiar. Øvrige medlemar i prosjektgruppa er ansatte ved landbrukskontora i Meland, Lindås og Austrheim/Fedje/Radøy: Laila Bjørge, Marius Flemmen Knudsen, Andreas Granli, Nils Kaalaas og Øystein Hafnor Kolstad. I tillegg er tillitsvald Solveig Laumark Møller og Asgeir Nøttveit med i gruppa.

Mandatet består i grove trekk i å gjennomføre ei kartlegging av oppgåvene som skal løysast ved landbrukskontoret, avklare samarbeidspartar, tilrå organisering og dimensjonering. Prosjektet omfattar kommunane Alver kommune, Modalen, Austrheim og Fedje.

Ifølgje prosjektmandatet skal det etablerast ei referansegruppe bestående av mellom anna administrative representantar frå Austrheim kommune, Fedje kommune og Modalen kommune. Me bed difor om at det vert peika ut ein representant frå dykkar kommune. Bed om tilbakemelding med namn på representant innan 1.november.

Eit av prosjektmåla er som sagt å avklare framtidige samarbeidspartar og kva form det skal ha. Vidare avklare om samarbeidspartane utanfor Alver kommune ynskjer å trekke ut eller tilføye oppgåver i høve til dagens samarbeidsavtalar. Me bed difor om ei tilbakemelding på dette spørsmålet innan 14.desember 2018.

Målet er å vere ferdig med prosjektarbeidet innan utgangen av 2018, men truleg må dette forskyvast noko.

Ta kontakt med underteikna eller andre i prosjektgruppa dersom noko er uklart.

Beste helsing

Kjartan Nyhammer

Prosjektleiar for «Felles Landbrukskontor i Alver kommune»